

Ministarstvo za građenje, prostorno uređenje i zaštitu okoliša, Alije Đerzeleza 6, 77000 Bihać, JIB:4263252930006 zastupano po ministru Tahiru Nuhiću (u daljem tekstu: Naručilac)

SEVOI GRUPA d.o.o., Tešanjnska 24a, Avaz Twist Tower, 71 000 Sarajevo, JIB: 4201901670005, zastupana po direktorici Nalvedini Rukavina (u daljem tekstu: Izvođač)

sklopili su u Sarajevu, dana 23. 12. 2015.godine slijedeći:

Ugovor br. 135 - ZT - 2015

O REALIZACIJI PROJEKTA USPOSTAVLJANJA SISTEMA FINANSIJSKOG UPRAVLJANJA I KONTROLE (FUK)

Član 1.

Predmet ovog Ugovora je davanje obrazovnih i savjetničkih usluga Naručiocu od strane Izvođača za realizaciju projekta **Uspostavljanje sistema finansijskog upravljanja i kontrole** (u daljem tekstu: Projekat) u skladu sa Zakonom o izmjenama i dopunama zakona o finansiranju institucija Bosne i Hercegovine ("Sl. glasnik BiH", broj: 42/12).

Član 2.

Izvođač se obavezuje da će u potpunosti realizovati svoje zadatke u skladu s ponudom koja je sastavni dio Ugovora, da će odrediti kvalifikovanu osobu za koordinaciju projekta Naručioca, osigurati potreban broj savjetnika za realizaciju usluga u Projektu.

Za izvođenje konsaltinga Izvođač će osigurati potrebna nastavna sredstva, dokumentaciju za učesnike seminara ili radne timove, izdati odgovarajuća uvjerenja o osposobljenosti, a za izvođenje savjetničkog rada Izvođač će osigurati kompetentne savjetnike koji će raditi u skladu sa planom projekta prihvaćenim od Naručioca.

Član 3.

Naručilac će osigurati uslove za kompletnu realizaciju Projekta i to za edukaciju osigurati prisustvovanje članova tima za FUK, odgovarajući radni prostor za izvođenje konsaltinga i za savjetodavni rad imenovati rukovodioca FUK-a koji će koordinirati rad kod korisnika budžeta na izradi i implementaciji potrebne dokumentacije uz smjernice savjetnika Izvođača prema dogovorenom vremenskom planu aktivnosti.

Član 4.

Naručilac će na ime naknade za izvršene usluge platiti Izvođaču iznos od 5.700,00 KM plus PDV u iznosu 969,00 KM što ukupno iznosi **6.669,00 KM**, na transakcijski račun broj **1541602004864518**, po ispostavljenim računima, a na osnovu prihvaćene ponude broj 231/05/2015-ZT.

Član 5.

Naručilac će ugovoreni iznos uplatiti na transakcijski račun Izvođača po ispostavljenim računima shodno prihvaćenoj ponudi od strane Izvođača. Rok za ispunjenje novčane obaveze počinje od dana kad je Naručilac primio račun Izvođača.

Član 6.

Savjetničke usluge Naručilac može koristiti prema potrebi, prema planu predviđenog vremena završetka projekta, u radionicama, direktnim i telefonskim kontaktima odnosno putem e-mail-a. Ukoliko se u toku projekta pojavi bilo kakva nemogućnost savjetnika za rad ili njegovo kašnjenje Rukovodilac projekta Izvođača obavezan je da na to upozori Rukovodioca projekta Naručioca čime se osigurava kontinuiran rad na realizaciji projekta.

Član 7.

Sve usluge koje nisu obuhvaćene ovim Ugovorom, a Naručilac ih naknadno zatraži dogovoriće se naknadno, što će se utvrditi Aneksom ovog Ugovora.

Član 8.

Nakon potpisivanja Ugovora Izvođač će u dogovoru s Naručiocem izraditi terminski plan sa definiranim rokovima. Ukoliko tim FUK Naručioca bude poštovao rokove i uputstva savjetnika, i ukoliko ažurno i u predviđenim rokovima bude dostavljao Izvođaču traženu poslovnu dokumentaciju, tim FUK Izvođača će nastojati da bude ažuran u pružanju svojih usluga.

Član 9.

Izvođač će osigurati da se svi savjetnici obavežu u pružanju usluge, koja je predmet ovoga ugovora, da će postupati s pažnjom dobrog stručnjaka, štiti poslovnu tajnu i djelovati u skladu s pravilima struke i interesima Naručioca.

Član 10.

Izvođač odgovara za izbor i rad savjetnika angažovanih u Projektu. Izvođač odgovara Naručiocu da su predložena rješenja u Projektu saglasna Zakonu o izmjenama i dopunama zakona o finansiranju institucija Bosne i Hercegovine ("Sl. glasnik BiH", broj: 42/12).

Član 11.

Moguće sporove ugovorne strane će rješavati dogovorom, a ukoliko spor dogovorom nije moguće riješiti, strane ugovaraju nadležnost stvarno nadležnog suda u Sarajevu.

Član 12.

Ugovor je sastavljen u 4 (četiri) identična primjerka od kojih svaka ugovorna strana zadržava po 2 (dva) primjerka.

SEVOI GRUPA d.o.o.


Nalvedina Rukavina
direktorica



Ministarstvo za građenje, prostorno
uređenje i zaštitu okoliša


Tahir Nuhic
ministar



Broj: 135-ZT-2015
Datum: 23.12.2015.

Broj: 11-49-13657-9/15
Datum: 25.12.2015.